

Naupangte' Laisiangtho Pulakna



Noah leh
Tuiciin Tunna



A Gelh: Edward Hughes

A Lim lak: Byron Unger; Lazarus

A Kaikhawm: M. Maillot; Tammy S.

A Let: S. Thangboi Hatlangh

A Hawmkhia: Bible for Children
www.M1914.org

©2012 Bible for Children, Inc.

Phalna: Hih tangthubu zuaksawn ding ahih kei buang
leh teisawn leh khetkhiat kiphah hi.



Noah pen Pasion
biak a hahkat mahmah
mikhat a hihi. Ahizongin
midang khempeuh in Pasion
mudahin, ama thu mang
lo uh hi.



Tua ahih manin Pasion in nikhat
a lungphawnhuai mahmah
thukhat hong genkhia hi.

Pasion in Noah kiangah,

"a ginalo hih leitung ka susia
ding a, nang leh

na innkuanpihte

bek na
suakta ding
uh hi," a ci hi.



Pasian in Noah kiangah, "tuiciin
lianpi hong tung ding a, leitung
khempeuh tummang ding hi,"
a ci hi.



"Tua ahih manin na innkuanpihte leh ganhing tamkhop a ta ding Tembawpi khat lam in," a ci hi. A sep ding khempeuh aneng-atawngin Pasion in hilh sipsip a, tu in Noah manlah mahmah ta hi.





Noah in Tembaw a
bawlina a hang a gen
ciangin mite in Noah
zahko-in nuihsan
lel uh hi.
Ahizongin


Noah
lungkia lo in,
pang veve a,
tham lo in a hun neih
simin mite Pasion' thu
hilh niloh hi. Ahizongin
kuamahin thudon
lo uh hi.




Noah' upna lian
mahmah hi. Guah a
zuk ngei loh hangin amah
in Pasion um veve hi. A
sawt loin, neek leh taak
guanlut theih dingin
Tembaw hong
kimanta
hi.



Tu-in ganhingte a hong pai uh hi. Pasion in pawlkhat kop sagih la in, pawlkhat kop nih ta cih bangin a la hi.



Tu-in in Tembaw zuanin vasa - a lian leh a neu,
ganhing a lian leh a neute hong pai siausiua uh hi.




Noah in ganhingte
Tembaw sungah hong
guanlut ciangin zahkona
tawh mipite a awng
ngeingai uh hi.




Pasian' tunga a mawhna
uh khiam tuan lo uh a,
Tembaw sungah lut
zong sawm bek
lo uh hi.






Ganhing
khempeuh
leh vasate
khempeuh tu in
kiguang khinta ahih
manin Pasion in Noah
kiangah, "Tu in nang leh na
innkuanpihte Tembaw sungah
hong lut ta un," ci-in a sam hi.





Noah leh a zi,
a tapa thumte
leh a zite uh tawh
Tembaw sungah a lut
uh hi. Tua khit ciangin
Pasian in Tembaw
kongpi a khak hi.





Tua khit ciangin guah
hong zu hi. Sun
sawmli leh zan sawmli
sung leitungah
nakpitakin guah zu
ngekngek hi.






Tuiciin in
khuapite
leh khuaneute
damdamin hong
tum hi. Guah hong theu ciangin
mualsangte khempeuh zong tuisungah
tum mang khin uh hi. Huih a dik,
nuntakna nei nam khempeuh a si hi.



Tui a khan tawh kitonin
Tembaw kilamsang semsem
hi. Tembaw sung khuamial
kha dinga, zong lauhuai kha
ding hi. Ahizongin tua
Tembaw in tuiciin om sung
khempeuh Noah a kem hi.





Tuiciin kha nga sung bang a tun
khit ciangin Pasion in leitungah huih
nungsak hi. Damdamin tuite hong
kiamin Ararat mualtungah Tembaw
hong kinga hi. Tua khit ni sawmli
sung Noah leh
a innkuante
Tembaw
sungah a

om cip
lai uh hi.



Noah in tawlet panin va-ak khat leh vakhu khat a khakkhia hi. Vakhu in a bawhna ding leikeu mu lo ahih manin Noah kiangah hong ciahkik hi.



Nipikal khat khit ciangin Noah in
vakhu khat khahkhia
leuleu
hi.



Tua vakhu hong ciahkik a,
oliv teh a tukkhiat thak
khat a mukah petin hong
tun'pih hi. A nipikal khat
khit ciangin tua Vakhu hong
ciahkik nawnlo ahih manin
Noah in leitang keuta
hi ci-in a
thei hi.




Pasian in Noah kiangah "Tembaw sung panin paikhiata un," a ci hi. Tua ciangin Noah leh a innkuanpihte Tembaw

sung panin pusuakin,
ganhing khempeuh
zong a pusuaksak
uh hi.




Noah lungdam dan ding kigen zo
lo hi! A lipkhaphuai
Tuiciin panin amah
leh a innkuanpihte
a hotkhiat manin
lungdamlua ahih manin
amah in Meihal biakna
tau khat bawlin,
Pasian a bia hi.






Noah
tungah Pasion
lamdang takin
hong kiciam hi.

"Mihing mawhna
thukhen dingin
tuiciin ka tungsak
ngei nawn kei
ding hi," a ci hi.



Noah in hih
thuciamna a
phawk detna
dingin Pasion in
lim khat a pia hi.

Sakhituihup pen
Pasion thuciamna
lim a hihi.



Tuiciin bei khit
a sawtlo in Noah
leh a innkuanpihte
nuntak-khuasak hong
kipan phakik uh hi.



Hun khat hong
cin ciangin, Noah
suan leh khakte in leitung
khempeuh a zeel khin hi.
Leitunga minam om
khempeuh pen Noah

leh a tate sungpan
piangkha vive a hihi.



Noah leh Tuiciin Tunna

Pasian kammal pana a hong suak hih tangthute
a nuai a Laisiangtho

munte ah kimu thei hi

Piancilna A Lian 6-7

"Na thu gentelna in Khuavaksak hi."
Late Nambat 119:130



Beita



Hih Laisiangtho tangthu in nangma' theih ding a lunggulh, eite a hong piangsak, a lamdang i Pasion' thu gen belin nei hi.

Pasion in mawhna hia a ngaihsut na hoih lo tampi i sep lamtak a hong thei hi. Mawhna thaman in sihna hi a, ahizongin Pasion in nang hong it mahmah ahih manin, nangma' mawhna hanga singlamteh tunga sihna a thuak dingin a tapa Jesu a hong sawl hi. Sihna panin Jesu kinungtasakkik a, tu-in ama inn ahi - vantunggam ah a om hi. Na mawhna khempeuh hong kimaisak theihna dingin na lungsim khempeuh tawh Jesu um inla, na mawhnate pulak in. Tua hi leh na kiangah amah hong pai-in na sungah hong teng ding a, a tawntungin amah tawh nuam nasa khawm ding uh hi.

Hih thu pen thuman hi, ci-a na up leh Pasion kiangah hih bangin thungen in: Kong it Jesu aw, a nungta Pasion na hihi, cih ka hong um hi. Keima' mawhna hangin sihna a thuak dingin mihing khat in na hong suak a, tu in gualzo in na thokik zo hi. Tua ahih manin nuntaknathak ka neih theihna ding leh a tawntung in na kiangah ka hong om theina dingin ka sungah hong teng inla, ka mawhnate hong maisak in. Nangma' ta banga nungta ding leh a tawntung in nangma' thu ka man theihna dingin kei hong huh in. Amen.

Laisiangtho sim in la, Pasion tawh a nisimin kiho un! Johan 3:16

